



Sonderusgab 1 Fr  hlig 2016 "Schwi  zerd  tsch"

Aktuells usem Vorschand

Es isch ä bsunderi Ehr, im Zürcher Kongresshus vo 1'700 Gäschd dörfe ufzträte. Öisi Big Band hät ihres Musikjahr mit dä Umrahmig vodä städtische Ibürgerigsfiir eröffnet. Mit swingende Tön hät sie s'Publikum begeischeret. Dä Abschluss und Uftakt zum Aperö hät dä Sechsilütemarsch bildet – für ä Big Band nöd es alltäglichs Musikstück.

Au s'Korps hät bereits sin erschte Uftritt gha. Es hät bidä Delegierteversammlig-vodä Armbruschtschütze im Albisgüetli für d'Musik gsorged. Däbi hät'ses erschts Mal erfolgrich di viele nöistudierte Musikstück zum Beschte gäh.

Adä GV vom 14. März 2016 isch dä bisherigi Vorstand unverändert wider gwählt worde. Dämit hät au mis erschti Amtsjahr gendet. Rückblickend isch's es mega intensivs Jahr gsi, da für mich fascht alles noi und drum au unbekannt gsiisch. Dä Vorstand, dä ehemalige Präsi, dä Martin Manser, und besonders s'Sekretariat händ mich sehr intensiv unterschützt. Mini erschte Idrück händ sich bestätigt: In dä SJMUZ wird viel und Grosses gleistet: Bi dä Aktive, im Sekretariat, i dä Formationen, durch d'Dirigente, durch d'Fachspezialiste, bi dä viele zuverlässige Hälferinne und Hälfer, im Vorstand, im Gönnerverein usw. Fürs grossartige Engagement dank ich allne ganz herzlich.

D'SJMUZ funktioniert nume, wänn sich viele Mensche freiwillig dafür isetzed und

die afallende Arbeite erlediget. Händ Sie Luscht und Zeit, i oisem Verein hinderdä Kulisse mitzwürke? Bitte mälded Sie sich im Sekretariat (info@sjmuz.ch oder Tel. 044 380 50 55, jewils Mo, Mi und Fr, 08-11 Uhr). Villicht chönnd Sie ois aber au eifach en heisse Tipp gäh, womir gärn witerverfolged – ohni Ihre Name z'nenne. Viele Dank für Ihri Unterschützige.

Matthias Weisenhorn, Präsi

Dä Vorschand wird vorgstellt

Die Lüüt, wo s'ganze Jahr für eus schaffed, hends au emal verdient, dass mer sie gnauer vorstellt. De Afang vo dere neue Reihe i de SJMUZ-News macht euse Präsident! Lesed Sie da s'exklusive Interview vom 11. Februar 2016.

Name: **Matthias Weissenhorn**
Funktion: **Präsident**
Geburtstag: **7. Dezember 1963**

Luegemal das Portrait vo dir ah! Hätt dich d'Laura guet troffe?

(stuunt und lacht) Hehe, ja das isch guet usecho.

Wenn du dich selber müestisch beschriibe? Was würsch dänn sege?

Ich bin ä Frohnatur mit wenig Griesgram. Ich finde s'Läbe vill z'schön. Han immer es Lächle oder en guete Spruch uf de Lippe.



Was schaffsch du, wenn ned für d'SJMuz unterwegs bisch?

Ich bin Abteiligsleiter bim Volksschulamt bi de Abteilig Lehrpersonal.

Spillsch du selber es Instrument?

Frühener hanich Giige gspillt und han die eifachste Akkörd uf de Gitarre gschrummt.

Hesch au schomal imne Orchester gspillt?

Während minnere Gymiziit hanich imne Schüelerorchester gspillt. Das isch aber gar kein Vergleich zu de SJMUZ!

Häsch du e Lieblingsmusik?

Oh, das isch e ganz e grossi Breiti! Idä Klassik mag ich vor allem de Beethoven. Ich finde aber au Schwiizer-Pop echt cool. Country und Jazz losi au sehr gern. Zum Bispil Dixieland! Ich bin würtlech relativ breit interessiert. Weniger i mini Gschmacksrichtig ghört wahrschinnli de Ländler.

Häsch du es Lieblingsstück vo de SJMUZ?

The Eye of the Tiger! Leider isch es aber nüm im Repertoire dinne. De hani sehr cool gfunde!

Wie bisch denn du zur SJMUZ cho?

Über mini zwei Chind und dä Musiglehrer vom Ältère de Roman Wutzl hanich d'SJMUZ kenneglernt. Er het mini Frau drufagsproche und so bin ich au dezue gstosse. Ich finde das Engagement vo mine Chind läss und wott da debi si. De Martin Manser hett mich im Herbst 2014 mal agfraagt und nachdem ichs natürlich au mit minnere Familie besproche han, hanich denn das Amt agno. Es isch nämmlì schono intensiv.

Was sinds denn für Ufgabe, wos so intensiv machet?

Die grössti Ufgab isch das alles z'meistere. Aber d'SJMUZ isch guet unterwegs. Sie het en engagierte Vorstand und viele Helfer. Es sind ganz viel Puzzleteil, womer da muen zeme hebe.

Was sind denn die bsunders usefordernde Ufgabe?

Schwierigste isch gsi, dass ich als Neuling und direkt als Präsi d' lifüherigsphase, also sozege mis erste Jahr, guet überstah. Ich han alles müese kennelerne, wott so vill wie möglich debi sie und bin debi sehr neugierig.

Wie viel Ziit wendisch denn du für d'SJMUZ uf?

Das isch schwierig zum säge. Dehei schaff ich öppe füüf Stund pro Wuche für d'SJMUZ. Am Dunnstigabig bin ich oft idä Proob und a de Aläss so oft wie möglich debi. Vorallem s'Jahresschlusskonzert isch sehr ufwändig und bringt villes mitsich, womer muen dra denke.

Aber mer muen sich au vorstelle: ich bechume durchschnittlich 100 Mail im Monät, wo d'SJMUZ betreffed!

Ui, das sind einige Mails! Du machsch das ja alles ehrenamtlich. Warum findsch es du wichtig, dass sich d'Lüüt ehrenamtlich düend engagiere?

Ich han erkannt, dass mich die Freiwilligearbet glücklich macht und für mich hett das en sehr höche Stellewert. Und ich findes cool! Die Lüüt, wo das ebe ned iigsehnd, sind arm dra.

Spillemer no echli Zukunftsmusik! Was würsch du als Präsi gern no erreiche?

Das isch e gueti Fraag. Aso ich wott mich sicher ned selbstverwirkliche, sondern öppis mache, wo de Sach hilft. Das heisst wiiterhin de Jugendliche e sinnvulli Freiziitbeschäftigung z'büte. D'Forme sind da offe. Aber sicher freu ich mich jetzt scho uf Reise und anderi tolli Projekt!

Ich wott helfe, die gmeinsame Visione mitzgstalte. Dä SJMUZ gaats im Moment sehr guet, aber das heisst ebe ned, dass mer eus dörfed uf dä Lorbeere usruhe, sondern, dass mer müend dra bliibe und neu i Idee inebringe.

Aber nomal zum Abschluss! De positivi Drive vo de SJMUZ muemer erlebt ha! De isch eifach genial!

Danke villmal für das tolle Gspräch. Zum Schluss hesch du no en Wunsch frei! Weli Person usem Vorstand sölled mir idä negste NEWS-Usgab vorstelle?

D'Christiane Talary, eusi Kassierin.

Danke villmal! cat

Generalversammlung 2016

Adä Generalversammlig vo dem Jahr händ 45 Persone teilgnoh. Dä Matthias Weisenhorn hät speditiv dur Versammlig gfuehrt, nach 40 Minute isch bereits s' Ändi verkündet worde. Grossi Verändrige händ sich nöd ergäh, dä Vorstand wird i dä gliiche Zämesetzig au das Jahr würke und s' Besch't für dä Verein usehole. Am aschlüssende Aperö händ dann auch all Froid gha, dä isch dänn au länger gange als Generalversammlig.

jm



10 Jahre Ursula Suter

Laudatio des Präsidenten an der GV 2016

Liebe Ursula Suter

Seit nunmehr bereits 10 Jahren leitest Du unser Sekretariat. Im Februar 2006 hast Du Deine Arbeit bei der bereits fusionierten StadtJugendMusik Zürich aufgenommen. Damals war die SJMUZ aber noch nicht hier im SJMUZ-Musikzentrum Albisgütli zu Hause. Geprobt wurde in Zürich-Wiedikon und im Schulhaus Hohlstrasse. Das Sekretariat befand sich in Zürich-Altstetten in einem wenig freundlichen Untergeschoss.

Du hast zu Beginn Deines Wirkens eine ziemlich unruhige Zeit beim Vorstand erlebt. Ein erfreuliches Highlight war dann sicherlich der Umzug ins neue

Sekretariat hier an die Uetlibergstrasse 331 anfangs 2008.

Eine SJMUZ ohne Ursula Suter kann man sich heute schlecht vorstellen. Alle werden unruhig, wenn Ursula Suter wegen eines Unfalls ausfällt. Bei einem Mann würde man von der grauen Eminenz sprechen, bei einer Frau sollte man solche Farbbezeichnungen eher



vermeiden. Und doch: Du bist das SJMUZ-Gedächtnis, die Wikipedia der SJMUZ – reell und nicht nur virtuell – und gleichzeitig auch das historische Bewusstsein. Nachdem ich an der letzten GV zum Präsidenten gewählt wurde, habe ich sehr schnell festgestellt, dass Du über ein riesiges Wissen verfügst. Wo immer bei mir eine Frage auftauchte – und solche gab es in meinem 1. Amtsjahr sehr viele –, habe ich bei Dir eine Antwort erhalten. Ich habe es sehr geschätzt, dass Du mich in meiner Einarbeitungsphase so tatkräftig unterstützt und Dein grosses Wissen auch weitergegeben hast.



Für die SJMUZ arbeitest Du ausgesprochen viel. Neben den drei Vormittagen im Sekretariat leistest Du auch viele unbezahlte Stunden als Freiwillige – vor zwei Jahren durften wir Dich bereits zum 10jährigen Jubiläum als Freiwillige ehren. Immer wenn etwas läuft, trifft man Dich an. So bist Du z.B. jeweils am Donnerstagabend während der Korpsprobe hier – für mich jeweils eine ausgezeichnete Gelegenheit, mit Dir offene Pendenzen zu erledigen.

Deine Offenheit und Klarheit schätze ich sehr. Nicht alle Aktivmitglieder sind sich dies gewohnt – gerade diesen tut aber Deine konsequente Haltung gut. Man merkt es: Du bringst von Hause eine gute Lebensschule mit – es ist doch tatsächlich keinen einfache Sache, als einzige Frau in einem 5-Männer-Haushalt zu bestehen.

Das Sekretariat hast Du perfekt im Griff. Ich habe bisher noch nie erlebt, dass Dir eine Pendezen unters Eis geraten ist – vielleicht hast Du sie aber auch ganz einfach gut versteckt.

Und schliesslich schätze ich Deine aufgestellte Art und Deinen Humor. Lachen ist für Dich kein Fremdwort – und das tut immer gut.

Ich danke Dir, für Dein grosses und grossartiges Engagement sowie Deine Treue und Loyalität über die vielen Jahre zugunsten der StadtJugendMusik Zürich. Die Reisegutscheine sollen Dir und Deinem Mann eine willkommene Abwechslung zum SJMUZ-Alltag bringen. Zudem hat der Vorstand beschlossen, der heutigen GV zu beantragen, Dir die Ehrenmitgliedschaft zu verleihen. Es soll

ein Zeichen unseres Dankes und unserer Wertschätzung sein. Wir freuen uns, wenn Du die SJMUZ weiterhin so tatkräftig unterstützen wirst.

**Alles Gute und herzlichen Dank.
Matthias Weisenhorn, Präsident**



Tombola

Am Jahresschlusskonzert 2015 hetts dank eusere tolle Tombola wieder ganz vil glückliche Gwünner geh. Mir danked em Bruno Ochsner uns sim grandiose Helferteam, sowie de zahlriiche Musiker, wo als Sammler vo guete Priise ihres Beste geh hend!

Spezielle Dank ghört de Erfolgrichste; das sind:

1. Platz: Jeanine Alder
2. Platz: Bruno Ochsner
3. Platz: Roman Limacher
4. Platz: Michael Suter
5. Platz: Ruth Hug
6. Platz: Clivia Münzer

**Herzliche Gratulation!
Bruno Ochsner**

Läbesmeilestei

Rundi Geburtstäg

20-jährig

Jasmin Oberortner	27.2.1996
Jeanine Alder	16.3.1996

Volljährig

Rachel Iwasaki	21.01.1998
Hannah Talary	29.01.1998
Katharina Arakelow	02.02.1998
Marla Christen	11.03.1998
Fabienne Schneider	11.03.1998

**Mir gratuliert allne Jubilare ganz
herzlich!**



Gönnerverein

16. Vereinsversammlung, Dienstag, 22. März 2016

Am Dienstagabend trafen sich 28 Gönnerinnen und Gönner und ein Gast im Musikzentrum Albisgüetli. Werner Zembrod eröffnete um 19.30 Uhr die 16. Vereinsversammlung und begrüßte die anwesenden SJMUZ-Freunde, von denen mehr als ein Viertel jüngeren Alters (in den letzten 10 Jahren ausgetretene SJMUZler) waren.

Erfreulich ist, dass der Mitgliederbestand mit 207 Mitgliedern per Ende 2015 weiterhin über der 200er-Marke geblieben ist. Wir freuen uns, dass neue Gönnerinnen und Gönner zu uns gestossen sind und heissen sie an dieser Stelle nochmals herzlich Willkommen.

Im Jahr 2015 unterstützte der Gönnerverein die SJMUZ mit insgesamt rund 51'000.- Franken.

- Neben dem traditionellen Zustupf an die Beschaffung (zwei Posaunen) und Reparatur von Instrumenten, ist dem Gönnerverein auch wichtig, die SJMUZ bei Vorbereitungen auf das Jahreskonzert und bei der Nachwuchsförderung unter die Arme zu greifen. Während der Versammlung hörten wir von Matthias Weisendorn (Präsident SJMUZ), dass die Nachwuchsförderung der SJMUZ sehr erfolgreich ist.
- Ein Betrag von 35'000.- Franken konnte der SJMUZ für die neuen Uniformenvestons und Bérêts überwiesen werden. Das tolle Ergebnis konnte bereits am Jahreskonzert im Dezember 2015 bestaunt werden.

Für das laufende Kalenderjahr 2016 ist folgende Unterstützung vorgesehen:

Dirigentenpult	1'500.- Franken
Fagott	10'000.- Franken
Gehörschutz	3'000.- Franken
Perkussionsmaterial	660.- Franken
Nachwuchsförderung	2'000.- Franken
Probeweekend	5'000.- Franken
Reparaturen	2'000.- Franken
Total:	24'160.- Franken

Zum Ende der Vereinsversammlung dankte Werner Zembrod Ruedi Pfenninger, der jahrelang im Gönnerverein als Revisor amtierte. Ebenfalls feiert Vreni Jenatsch in diesem Jahr ihr 10-jähriges Jubiläum im Vorstand des Gönnervereins. Mit einem farbenfrohen Blumenstrauss wurde ihr für die zuverlässige und effiziente Erledigung diverser Arbeiten gedankt.

Nachdem Werner Zembrod die Vereinsversammlung geschlossen hatte, durften die Gönnerinnen und Gönner erneut einen leckeren Apéro genießen und den swingend modernen Klängen der SJMUZ BigBand lauschen. Ein herzliches Dankeschön an die jungen Musikerinnen und Musiker für dieses exklusive und nicht selbstverständliche Ständchen.

Angela Dürr





S'News-Team wachst

Sit Kurzem isch euses Redaktionsteam grösser worde. Die zwei junge engangierte Musikerinne usem Korps stelled sich Ihne miteme churze Steckbrief gern vor.

Name: Salome Brönimann

Alter: 16ni

Instrument: Querflöte (s'Beste vo de Welt)

Hobbies: Mantrailing mit eusem Hund

In der SJMUZ seit: 2012

In der SJMUZ weil: I de SJMUZ sind alles cooli Lüüt, mer het immer Spass, mer macht zemme cooli Musig, es isch eifach de best Verein vo Züri!



Name: Livia Jenny

Alter: 17ni

Instrument: Oboe natürlich

Hobbies: Musig und Tanze

I de SJMUZ sit: em 2012

I de SJMUZ will: Es isch e gueti Möglichkeit zum Musig mache aber au e tolli Gmeinschaft.



Verabschiedig usem Korps





Neui Korpsmitglieder

Im Januar hend mir grosse Zuewachs im Korps übercho. Mit 9 neuä Mitgliedär sind mir jetzt 65 Musiker. Die einte sind chli schüch und hend sich drum ned welle vorstelle i de SJMUZ-News, die andere hend alle Muet zämegno und stellet sich euch jetzt vor. Mir findeds uh cool, dass ihr jetzt bi eus im Orchester sind und wünsched eu e tolli Ziit die SJMUZ!

Tom

Hey :) Ich ha d Schuegrössi 44.5 und bi 19ni. Bizmeh wied Helfti vo mim Lebe spili jetzt scho Klarinette und sit de Musig-RS au Bassklarinette. Ich unterstütze somit d'Rahel und mir gäbed bi Latin Woods mit de andere Klarinette Vollgaas.



Sascha

Ich bin d'Sascha und spile Trumpete. Ich bi sechzähni und bi jetzt im 4. Gymi ade Kanti Wiedike. Susch i minere Freiziit, mach ich Flamenco und spile Theater. Usserdem lach ich gern vill und so zimli ab allem.



Katharina

Mir seit mäh Katha und ich spiele Saxophon. Ich bin es Nationalitätégmisch und liebe Reise. Ich bin meistens Veganerin. Min Sport ischs jogge i dä Natur. Ich freu mich uf di gmeinsami Ziet mitem Korps.



Armend

Ich spiel sit 7 Jahre Saxophon. Dihei spiel ich ned nur Alt-sax sondern au Tenor und Baritonsaxophon. Im Korps spiel ich das Bariton well s'mir meh Spass macht, i mim Saxe-nsemble Tenor und im Normalfall Alt. Nebedbi gang ich i di 3. Sek und schwümme gern.



Michael

Ich bin de Michi und bi Schlagzüger. Ich bi 15i und mache e Lehr bim Musig Hug. Vorher bin ich 4 Jahr im Aspi gsi und au im SJMUZ-Percussionsensemble. Ich freu mich uf e tolli Ziit mitem Korps.



Ben

Ich bin de Ben und bin 15i. Ich mache gern verschieden Sportarte, spiele Posuune und bin i de Pfadi. Im Summer gahn ich es Jahr uf Argentinie.



Tim

Ich heisse Tim Willimann, spiel scho sit 8 Jahr Trumpete und das macht mer jetzt au no sehr viel Freud. Ich bin i de 3. Sek und im Summer fang ich e Lehr als Stromer ah. Ich freu mich uf wiiteri cooli Konzert im Korps. Dazue hoffi, dass i en guete Start is Bruefslebe derf erfahre.





Moritz



Jonathan



Neubürgerfiir

Es isch mittlerwile zur Tradition worde, zum Frühligsafang d'Neubürgerfiir vo de Stadt Züri musikalisch beglei z'dörfe. So hett das Jahr au wieder d'Big Band vode SJMUZ d'Fiir zu Ehre vo de neuibürgerte Zürcherinne und Zürcher mit sim neue Programm eröffnet. Zahlriichi Gäst – das Jahr sind rund 3 Mal (!) meh Persone iibürgeret worde als letscht Jahr – hend gspannt zueglost und sind vo eusne Kläng begeistert gsi. Au d'Stadtpräsidentin, d'Frau Corinne Mauch, het sich während ihre Eröffnigsred herzlich für euses Engagement bedankt. S'disjährige Hauptthema isch wenig überraschend d'Abstimmig zur Durchsetzigsinitiative gsi.

Nach de herzliche Begrüessig dur de Satdtrat hemmer de Abig bime grosszügige Apéro und chli Smalltalk friedlich chöne usklinge la. D'SJMUZ Big Band freut sich bereits jetzt uf de Uftritt ade Neubürgerfiir 2017 und wünscht sämtliche Neubürgerinne und Neubürger es erfolgrichs Jahr!

Martin Fehr, SJMUZ BigBand





Saisonstart 2016

Delegiertenversammlung Armbrustschützen

Nach ere kurze Winterpause hetts Korps am Samschtig, 19. März mit sinere noie Saison agfange. Mier sind für en Uftritta de Delegierteversammlung vom Eidgenössische Armbrustschützenverband engagiert worde. Händ ihr gwüsst, dassde Sport Armbrustschüsse nöd öppe bim Wilhelm Tell i de Innerschiwiiz, sondern in Züri sin Ursprung hät?

Hät echt au d'Blasmusig sin Ursprung in Züri – im Albisgüetli bi de SJMUZ?

Uf jede Fall hät euses Konzert det sin Afang gno und zwar sind mir scho am 10 ab 9i ufbote worde. Mir sind drum froh gsi, dass s'Konzert grad im Schützehuus direkt näbedem Probelokal stattfunde hät und mir so sSchlagzügmaterial nöd so wiit händ müesse aneträge.

E chli Nervosität isch dasmal scho ufcho, immerhin händ mir vill Stück zum erschte Mal vor Publikum präsentiert -vor allem d'Klarinette und d'Saxophon händ hüt mit ihrne solistische lilage müesse Gas gee. S'ganze Korps hät das aber super gmeischeret und im Sinn vo eusem Gaschtgeber händ sicher die meischte Tön is Schwarze troffe. En tolle Start i di noi Saison.

De Uftrittsch ja vor enere gschlossne Gsellchaft gsi und nöd all händ drum chönne go zuelose. Lang müend ihr aber nüme warte. Drum freuemer eus, wenn mier eu allne eusi Stück am Sächsilüüte oder nachher a de diverse SOKOs dörfed präsentiere!

Livia Jenny

Probezeiten der Formationen

SJMUZ-Musikzentrum Albisgüetli, Uetlibergstrasse 331, 8045 Zürich:

Bläser Ensemble

Mosimann / Nörr BE Fr 17.30 - 18.15 (im Schulhaus Triemli A)

Schlagzeug Ensemble SE Mi 13.30 - 15.00

Aspirantenspiel AS Do 17.45 - 19.15

Musikkorps MK Do 19.45 - 21.45

Big Band BB Di 20.00 - 22.00 (alle 14 Tage)

Percussion Ensemble PE Mo 19.45 - 21.45 (alle 14 Tage)

Mit Tram 13 bis Endstation Albisgüetli. Mit Bus 32 oder 89 bis Strassenverkehrsamt, danach 200 m zu Fuss bis zum Schützenhaus resp. SJMUZ-Musikzentrum 1. Stock.

Impressum:

Vereinsadresse: **StadtJugendMusik Zürich** info@sjmuz.ch
Musikzentrum Albisgüetli www.sjmuz.ch
Uetlibergstrasse 331 Tel. 044 380 50 55
8045 Zürich Fax. 044 380 50 56

Redaktion: Jürg Marugg (jm) jm@sjmuz.ch
Carole Thoma (cat) cat@sjmuz.ch
Patrizia Seiler (pat) pat@sjmuz.ch
Salome Brönimann (bsa) bsa@sjmuz.ch
Livia Jenny (jli) jli@sjmuz.ch

Layout: Bruno Bosshard (bbo) bbo@sjmuz.ch

Inserate: Guido Seiler inserate@sjmuz.ch

Computer: Christoph Bürgi pc@sjmuz.ch
Homepage: Bruno Bosshard admin@sjmuz.ch
Bilder: Bruno Bosshard bilder@sjmuz.ch

Redaktionsschluss:

SJMUZ - News 2	Sommer:	19.06.2016
News 3	Herbst:	25.09.2016
News 4	Winter:	04.12.2016